

տի առարկայ ընդունել խաչի նշանը. այսպիսի հայեացքի արդիւնք են և ազայոյց խաչի շարահանները ծագելու մը է. դարում և խաչերը ու խաչքարերը արուեստի ծագելու մը է. դարից առաջ, և մանաւանդ աւելի յետոյ առանց պատկերազարդութեան, երբեմն միայն սիմվոլիկ նշաններով: Անանիա Սանահնեցին ժԱ. դարի առաջի կիսին մերժելով խճողուած պատկերապաշտութիւնը, աւելացնում է. «եւ զՔրիստոս կենդանի պատկեր միշտ ի խաչին խոստովանիմ», իսկ հակառակորդները (Յոյները և Վրացիք) առաւել քան զխաչ և զեկեղեցի պատուեն և պաշտեն զպատկերս»⁽¹⁾: Նման գիրք ունին բռնած նաև Սաղիկ կաթուղիկոս և մանաւանդ Յովհաննէս Սարկաւագ վարդապետ⁽²⁾: ԺԳ. դարի սկզբում իսկ Մխիթար Գոշը պարզ և սրտ յայնում է. «յոյնք և վրք զպատկերազարդութիւն առաւել պատուեն և հայք զխաչ»⁽³⁾: Սաղիկ խաչելութիւնը արտայայտելու աւանդութիւնը մեռած է Հայոց մէջ նոյն իսկ այս դարում. էջմիածնից ոչ հեռու՝ Աշտարակ գիւղաքաղաքում՝ Թումաս քահանան կանգնել է 1267 թուին մի հոյակապ խաչարձան, առանց խաչելութեան պատկերի, մինչդեռ խաչի հորիզոնական թևերից վեր քանդակուած են արեգակ և լուսին, խաչելութեան յարակից նշանները (պարհ. 44):

Բայց այս տեսութիւնը հիմք չպէտք է ծառայէ եզրակացնելու, թէ խաչելութեան պատկերազարդութիւնն իսպառ վանուած էր հայ եկեղեցական արուեստից մինչև տասներորդ դար, մանաւանդ քաղկեդոնիկ հայերի շրջանում, երբ արդէն մանրանկար ունինք ձեռագիրները մէջ, իսկ խաչից իջեցնելու՝ ժԱ. դարից: Մեր նպատակն էր միայն պարզել, թէ խաչելութեան պատկերազարդութեան գործածութիւնը չպէտք է ընդհանրացած լինէր մինչև Ը. դար, իսկ խաչից իջեցնելու տեսարանը ևս առաւել, իսկ այնուհետեւ էլ միայն հազուադէպ եւրեռոյթ, որի մի օրինակն ունինք ժԳ. դարից (պարհ. 21): Սաղքարը զանուում է Վայոց ձորի Հերհեր աւանում, որ Շահուսնեցի

իշխանների կեդրոնն էր⁽¹⁾: Արձանագրութիւնը մեզ տեղեկութիւն է տալիս կանգնողի և թուականի մասին.

«ԹՎ ՉԽ: | Եւ Ազ|բարոս կ/անգնեցի | խաչս ուր/գոյ իմոյ Շահագին յաղաւթ իշէք.»

Սաղքարը իւր օրնամենտացիայով և քանդակման եղանակով համապատասխան է ժԳ. դարի արուեստին, բայց խաչի ձևը կեդրոնի պտակով, մանաւանդ խաչեցեալի երկար կողմերը, զլիսի հազիւ նկատելի գէպի աջ թեքումը, դուրս, և բաց աչքերը, սաքերի գիրքը աւելի հին աւանդութիւն են մասնանշում օրինակի ծագման, քան մեր Ամենափրկիչը: Տարբազգաբար տեղում որ և է նկատողութիւն չենք արել Մարիամի և Յովհաննէսի շարժումների և գէպի խաչեցեալն ունեցած յարաբերութեան մասին. իսկ լուսանկարի մէջ բոլորովին պարզ է, բայց հաւանական է հանդիստ, առանց վշտի արտայայտութեան: Բուն խաչքարի մեծութիւնն է 1,7 × 0,77 մ.:

Ժ. դարից և ժԱ. ի առաջին քառորդից արդէն ունինք խաչելութեան մանրանկարներ հայ արուեստի մէջ, որոնք հաստատում են մեր տեսութիւնը Ամենափրկիչի ծագման ժամանակի նկատմամբ, համեմատութեան նիւթ տալով: Վիեննայի Մխիթարեանները հրատարակել են օտարազգի հայագէտների յօդուածների մի ժողովածու, նուիրուած Հանդէս Ամսօրեայի քառասնամեակին⁽²⁾: Այդտեղ ի միջը այոց August Merkle մի յօդուածը կայ Die Miniaturen des armenischen Evangeliars N 697 der Wiener Mechitharistenbibliothek վերնադրով. ձեռագրական հա-

(1) Ձեռ. էջմ. N 518:
 (2) Ասողիկ. Շահագ. հրատ. 227-228: Ձեռ. էջմ. N 518:
 (3) Արարատ. 1961 562:

(1) Շահուսնեցի մէկն էին Չարսիանց օրով Հայաստանի քաղաքական վերածնութեան իշխանութիւններից, և ենթարկում էին Օրբէյխաններին, որպէս նրանց պարապետներ: ԺԳ. դարի կեսերին սպառում է այս սոցիալ արական սերունդը եւ մընում է միայն Ամաղին իշխանի եւ նորա կնոջ Թուխթանի միակ զուտորը նախել. որին տան փեսայ են բերում եւ հայրենեաց ժառանգ Բուրթէլ Օրբէյխանի թոռն եւ Բեշքենի որդի Կուկր: Թուխթանն էր «զուտար Իւանէ Որու տան իշխեցողի, բոյր քաջ քարտուղարի և երջանիկ բարունապետի Յովհաննէս վրդի», որ յայնի Որոսնեցին է: Յիշ. Վարդաշենի աւետարանի, մեր ժողովածուից:
 (2) Monumenta Armenologia. Յիշատակարան Հանդէս Ամսօրեայի քառասնամեակի, նուիրուած օտարազգի հայագէտներէ. 1927. Վիեննա: